

華容縣志卷之九

文林郎知華容縣事狄蘭標重修

人物志下

列女

胡寵後妻黃氏廣妻章氏寧妻趙氏咸據蔡中郎集  
今按漢華容縣不盡在此而三氏俱履貴盛無奇行  
不必錄錄唐以後者近實且易考

五代周行逢妻嚴氏廣遠女也行逢武陵農家子及  
為節度使累於殺戮麾下將吏一以法繩之民過無

不違者曰此列女也

戶以公貴頗不力農多恃勢侵民請往視之至則營

居以老歲時衣青裙部佃人送租入城行逢往就見

之勞曰吾貴矣夫人何自苦嚴氏曰公思作戶長時  
乎民租緩時常苦鞭朴今貴矣宜先期以率眾安得

遂忘隴畝間平行逢強邀以羣妾推升肩輿嚴氏卒  
無留意因曰公用法太嚴我所以不欲留者一日禍

起田野間易為逃死爾行逢為少損

宋林女毋疾藥之弗愈額天割股肉為粥以進毋遂  
瘡同時有楊女局女者效之知縣劉嘉上其事詔旌



焉有三孝坊

明高允中妻文氏洪武末允中授丹徒副長官威名甫振以疾卒文氏年二十六生子甫六月携歸躬井臼織紵以養其姑六十餘年有司上其事旌命甫下而卒

甘文字元秀父邦佐許嫁里人魏文昌成化間文昌父獲罪應誅文昌乞以身代繫獄元秀時年十五邦佐欲嫁之元秀聞即赴井求死毋救免遂齋戒自責以祈文昌之生不爲容飾文昌伏法四日計至元秀沐浴具衣服自縊以殉士類咸高其行云上之有司

卒未及旌

毛璫妻黎氏璫永震季子讀書能文黎氏二十而寡誓不再適養姑教子閨門肅然

王文鑰妻劉氏石首人以十五守節撫孤用孺壽七十終人無間言

陳昀妻石氏年二十二昀沒生子永文甫三歲舅姑俱亡零丁孤苦踰六十載壽八十有三叅政能是其孫也

陳鈞妻劉氏年二十七寡姑章氏欲奪其志不從家貧辟繡以養其姑姑卒歛葬如禮孀居五十年



劉如魯妻毛氏魯忠宣公孫年二十六卒有襁褓子世享毛氏長成之守節垂五十載嘉靖間巡按御史陳豪予匾額旌之

黎循初妻張氏年二十三初卒張氏哀痛幾絕時方娠臨乳徒步至墓所乳焉治墓事竟乃歸孝養厥姑苦節勤撻年八十餘卒知縣李瑞芳匾其門曰雪嶺孤松

陳宗旦妻羅氏旦死羅甫二十有六苦節堅志以養其姑嘉靖癸未有湖寇家人悉逃匿羅奉姑踰垣姑不能踰賊勢將刃之羅泣抱其姑弗釋寇遂刃羅肩流血至數斗死而復甦壽八十餘卒孫逢軾及子梁俱鄉薦徵厥報云

易某妻徐氏年十八而寡閨門肅然嘉靖丙辰倭亂調蠻兵所過多殘害掠人妻徐氏匿蘆葉中數日不食已獲小船將去爲亂兵所逐徐知不免遂赴洞庭死壽四十有九

陳燦妻李氏燦死無子躬織紵以奉其姑姑亦早寡婦姑相守閨門肅然垂三十載知縣曾禮爲立嗣子養焉知縣李瑞芳哀以詩有姑兮貞婦兮烈青燈弔影淚成血之句提學僉事吳文華檄旌旌焉



周廷臣妻包氏年二十六而寡子楷爲諸生亦三十而夭媳黃氏與姑包共貧苦越三十載中外無間言稱雙節云

文希道妻蕭氏年二十而寡居貧不易其守嘉靖間知府陸瑋給粟旌之

戴夢星妻劉氏忠宣公族也夢星爲諸生有詩名早卒氏堅守志行無玷垂三十載

嚴整後妻何氏婚甫九月整以舉人文調入京師歸死德州何氏誓不再嫁撫妾子成立治家有法安詳恭敬時論重之署縣巴陵丞周霄復其徃壽七十五

嚴東妾曹氏名茂林東以邑學廩生早卒茂林甫十九誓不再嫁以養其主母黎十餘載茂林衣服卧起與俱湯藥非口不進其至性如此族小郎有戲之者茂林以巨棒擊之終身弗敢至門時東田園貲畜俱爲小郎頰所奪茂林獨守孤貧家徒四壁爲東立嗣嗣夭益無所托而窮愁孤苦堅志不移垂六十餘載其僕昭者尤切忠孝斃而後已嘉靖甲寅歲城中失火延燒將及茂林泣禱僕昭奉其累世木主泣庭下風爲反火亦尋滅

鄧于甸妻李氏于甸邑諸生年二十死李氏日哭極



前比送至墓取塊以歸因持于旬髮一縷與塊枕焉  
哭數月遂卒

陳愈新妻劉氏王三因妻劉氏其苦節不愧古人而  
王妻有反風之奇萬歷辛卯冬月城東門外失火將  
及王宅劉氏泣拜庭下風遂反數日火又夜起劉拜  
風亦反其異如此

孫氏處州榮第三女也適國子生毛九卿毛世仕宦  
中稍衰微家計窘孫氏脫羅綺操井臼躬織紝以應  
逋負無怨色已生三女慮九卿無子爲卜妾納之九  
卿妾未及見其子成立而終孫氏撫摩鞠育如已出

子亦不知非孫氏出也距九卿死相養又三十餘年  
竟成立有孫伯順能亢毛之宗孫氏之所貽大矣

羅氏嚴循閑妻生一女後爲閑所棄不入其室十餘  
年久之閑病且死侍藥飲不懈泣以女屬姑謂閑若  
不諱媳當身殉願姑保抱此女也及閑卒之夜縊於  
棺側同穴而封里人歌穀則同室死則同穴之章以  
誄之

劉氏張希美希善之母以孀節稱天啓甲子提學徐  
人龍旌表之

毛氏張希奎母孀居教奎成進士崇徵末旌表



劉氏生員敖昌奕妻明蜀興文教諭劉希文女氏慧  
淑端慤年十四于歸敖昌奕少多病氏調治醫藥力  
代家政事孀姑李以孝聞明末兵亂東山結壘自保  
寇入山氏被獲曰汝不知罵奢蠻而死之劉希文乎  
固吾父也罵不絕口賊怒刃之後子嗣震具陳當路  
中丞李以忠孝世家匾旌之

孫氏生員敖嗣履妻明經孫穀女讀書嫻禮法明季  
兵亂與姑張氏皆爲賊執俱極口罵賊而死氏無出  
壘後五十年嗣履繼妻劉所生子璠啓其骸與劉合  
葬手足猶蟠結交固不可解其自護恤如此見者咸

悲嘆云

高氏生員侯邦鎮妻年二十邦鎮卒撫孤子倉始孤  
姪倉文飲食寒暑督課無異值兵荒後故家鮮不中  
落而侯仍以饒聞年六十餘猶力搯家政不稍懈顧  
持已如處女待戚獲不事楚撲然見之凜若冰霜自  
奉儉約爲子姪延師欸友糜費不惜升斗之惠波及  
族里倉文恂匕篤實倉始文而敏達皆領歲薦諸孫  
列賢書

嚴氏蔡述唐妻唐死時有幼子二氏年十九積日不  
食欲自盡姑曰汝從夫地下誠善我老旦墓死此呱



孤者誰字之氏始強食刻意勤儉事老撫幼鮮不盡誠於公姑及夫之生忌晨每祭必痛哭數十年不懈二子俱稱克家云

張氏茂才問楚妻也年十八歸楚楚前有一子名叙文繼而氏生一子名通飲食提抱必先叙文而後已子年二十二楚死氏繪楚像供室中飲食必祝至其生忌則祭奠哀痛如在初喪事舅姑盡誠盡禮閨門嚴肅里人稱之

顏氏劉濤妻年十八適濤踰五年而濤夭濤家頗饒父曰恕以非意事相累家中落氏黽勉有無凡生事

華容縣志

卷之九

人物下

七

死葬一一盡禮子以模歲真生

蔡氏王正愷室也年二十夫亡長子祚徵二歲次祥在懷氏勵志自守事舅姑無閒言延師教二子皆成諸生後徵亦天復撫孫師謙重孫槐俱國學生年七十餘猶力撻家政至八十三而終雍正三年旌表

嚴氏孝廉王師鐸妻也鐸早卒氏撫其孤先徵補國學生善事舅姑於伯叔姊姒間鮮有間言閨門整肅董氏茂才程自洞妻洞早卒董氏年二十痛苦自縊父母救解次日始甦撫課孤子文英補國學生娶媳張氏閱數年而英亦夭無所出張氏剪髮置夫棺以



節自誓與董同寢榻情愛若子毋每歲時忌日董氏  
哭其夫與子淚血交頤張痛爲拂拭而已颺已盈時  
人哀之張撫姪觀光爲已子恩勤脩至葬姑董氏極  
盡哀禮爲邑人所稱於乾隆二年奉

旌表

黎氏諸生蔡作述妻孝廉大觀女也適蔡時舅姑年  
踰七旬氏竭誠奉侍未幾作述卒子光治尙在襁褓  
氏甘茹茶苦節省勤儉爲光治供親師交友之具又  
能收族洽隣里戚稱道其才德不衰

白氏賢裔庠生閔士元妻歸閔三年而士元歿遺孤

華容縣志

卷之九

人物下

友善甫週歲氏號慟幾絕殯士元於室誓與同歸嚴  
課友善不啻父師塋舅姑盡禮友善年二十卜厝父  
棺請諸毋氏氏曰而輩成立吾志遂矣士元發舉之  
日氏撫棺一慟而卒不數年友善又卒媳劉氏撫孤  
八表成立淑慎慈惠經營艱苦與氏無異里人哀氏  
同歸之誓不虛而劉之貞操亦氏有以貽之也雍正  
六年奉

旌表

劉氏張廷祥妻祥年二十四死鮮所出氏與夫年等  
父母憐其早寡無子婉勸改志劉氏慟哭力拒事舅



姑最孝待叔嬀至和苦節自甘恬靜終老

營氏郝定邦妻邦死時氏年二十四家貧無子舅姑命其改嫁氏毀形斷髮號泣絕食遂不敢強後抱侄宗玉爲嗣躬親紡績事舅姑盡孝養未幾舅姑沒諸叔年幼氏撫養讀書完娶以一身獨任其勞嬀居四十餘年食不充腹體無完服氏甘之如飴里人咸敬異之

柳氏二孝女明崇徵間邑西柳廷憲無子二女約曰親老忍結褵他適耶相誓死不字侍養雙親親歿哀毀塋祭如禮紡績自供先後繼卒土人並塋於所居

華容縣志

卷之九

人物下

九

之塢側今開台舖南舊申明亭邑庠生董啓茂過而吊之以詩詩入藝文

張氏庠生張士素女儒士嚴一中妻年十八歸嚴嚴死守節幽閒端正人咸敬之奉孀姑脩盡孝養康熙五十六年奉

旌表

張氏歲貢生張壽祥女國子生程文英妻年十九歸程姑董氏孀居苦節氏于歸後極盡孝養年二十文英物故氏斷髮置夫棺每痛卽絕一子未週復天氏以姑存不敢死日夕飲泣與姑同寢處如母子姑卜



孫觀光爲氏嗣甫生氏即抱歸以藥通乳七之未幾  
姑卒氏歛葬以禮於乾隆二年呈請旌表爲姑建坊  
逮觀光成立入鄉學娶媳張氏生二子一女乾隆八  
年邑荒氏出粟三百助賑邑宰舒給匾旌焉邑故有  
德政橋爲華邑風水要處久圯淤不通氏捐三百金  
修築水有所洩一邑賴之乾隆十六年觀光二子殤  
未幾觀光亦死氏年望六矣張氏年僅二十有五姑  
媳哀號比氏與姑董氏相依悽切更甚初觀光欲捐  
文廟祭器未果氏於乾隆二十四年成其嗣子之志捐獻  
錫器一伯七十餘件余爲上請待旌復繼生員程

華容縣志

卷之九

人物下

烈次子子寧爲觀光嗣

何氏李祔甫妻年二十夫故遺一子永襄僅兩月氏  
勵志自立教子督課娶媳傅氏紡績相助克盡婦道  
不幸永襄復夭時氏年望五媳傅年甫二十有五遺  
二孫長二歲次僅六日一門孤寡哀泣之聲行道弗  
忍聞於乾隆三年奉

旌表

傅氏李永襄妻年二十五夫故遺一子長二歲次纔  
六日時孀姑何氏衰老氏飲泣奉養曲盡孝思姑媳  
之間情同母子姑每謂人曰我孝順兒從何得來早



人咸敬異之於乾隆三年奉

旨旌表

伍氏劉士賢妻年二十八夫故遺子錫爵錫誥氏貞  
搯自勵家故貧衣食不給氏性甘淡薄紡績自資勤  
苦數十年如一日於乾隆三年奉

旨旌表

敖氏庠生敖珍女廩生張召修妻年十六歸張張故  
康熙壬子科拔貢張璉之次子璉兄同榜拔貢張琳  
無子撫召修爲嗣時嗣翁早喪值吳逆之亂兵荒洊  
至氏茹荼飲蘖偕夫召修奉慈姑程氏避兵東山携

華容縣志

卷之九

人物下

十一

持捧負不避艱險程衰老卧病氏朝夕衣不解帶奉  
侍湯藥及沒哀毀逾禮年二十六召修身故氏痛不  
欲生念子裕祥孤立勉自搯持督課教育俾裕祥得  
補縣學弟子員氏苦節四十年於乾隆三年奉

旨旌表

魏氏潘士棟妻年十八歸潘孝事舅姑家故貧日食  
不給氏勤勞紡績以佐甘旨已則以藜藿自充年二  
十七夫亡遺一子捷甫二歲貞搯苦節垂四十年於  
乾隆五年奉

旨旌表



段氏涂子超妻年十九夫故無子家故貧衣衾棺槨  
氏竭力經營呼天飲泣誓不再生時翁姑在堂隣里  
力勸氏乃飲食代夫奉事旨甘調理湯藥歷年不懈  
翁姑沒哀葬如禮於乾隆二年奉

旨旌表

嚴氏庠生嚴允文女王師文妻年二十夫亡無子氏  
誓志堅守斷指髮置夫棺以示無他家貧以針紉爲  
活計初葬夫葬舅姑倉卒苟簡氏於建坊後扞葬五  
棺於室後朝夕祭奠老而彌勤於乾隆三年奉

旨旌表

華容縣志

卷之九

人物下

十一

蔡氏舉人侯三宅妻年十七歸侯夙嫻內則于歸後  
以紡績佐夫膏火俾得專志肄業三宅於乙酉科登  
賢書旋卒氏年二十四冰霜自矢經營家計課子成  
立於乾隆九年奉

旨旌表

花氏陳半壁妻年二十三夫故氏勵節自守事姑盡  
孝訓子有方於乾隆二十年奉

旨旌表

夏氏袁璿妻故湖北石首人隨舅姑遷居華容性至  
孝奉孀姑王氏曲盡誠敬歲荒脫簪珥爲姑甘旨費



乾隆十八年姑病漸篤氏慘痛無計閉戶割股肉調羹以進昏絕時恍惚有衣藍衫者在傍扶掖氏遂獲急調羹以進而姑病頓愈因與旌例不符於乾隆二十年詳入省志

貞女王氏舉人王元勳女許配庠生陳璧之子大錦未婚大錦遊學他出經四十年氏守貞不字於乾隆二十年身故乾隆二十一年奉前院 陳批縣詳云王氏未婚守志白首完貞仰候採入誌乘以慰苦節張氏龔明道妻于歸四載生男女各一皆天乾隆十七年夫故氏年二十二守貞自矢氏翁念其青年無

子于十八年潛許配李姓氏誓死不從氏父怒有女身終屬李姓之語氏聞憤激哀泣恐終不免于是年六月投繯自盡奉前院 胡給節烈維風匾旌焉秦氏邑庠生孫祐商妻年二十六夫卒遺腹子孫晚氏冰霜自矢紡績訓課俾子成立晚後補國子生氏守節五十二年壽七十七

孫氏候選州同黎光道妻數載無子勸夫娶妾鄭氏生子學麟總週歲光道卒孫年二十七鄭年二十合志苦守教子成立二氏相繼卒

劉氏吳昆高妻年二十一夫卒子二長康福二歲次



康壽僅三月氏勵志自守奉公姑以孝葬祭以禮夫弟達一年十餘歲撫養完娶教之成人里中談節孝慈惠者推氏爲宗守節三十年

傅氏劉玉樹妻年二十四夫亡遺子國峯氏栢舟自矢孝養翁姑克盡婦道守節數十年

毛氏庠生率下女庠生唐宗中妻年二十四夫亡子二長志菁次志璜俱幼氏上奉公姑生盡孝死盡哀奉繼姑猶盡禮撫二子俱成立長國子生次亦能文守節數十年

李氏彭子茂之妻子茂早孤入贅氏家用奩資置產另居生二女夫死立夫兄之子正聰爲嗣事姑孝爲夫弟子羨子和完娶合爨矢志苦守肅雍無間已三十餘年

唐氏曾與參之妻年二十六夫與姑相繼亡氏拮据喪葬撫孤子成道娶朱氏成道復亡朱氏年二十二撫二子宗泰宗翰姑媳矢志慈孝脩至紡績課讀宗泰補弟子員

段氏張若昇之妻適張僅二日若昇遽亡氏對夫靈截指自誓撫嗣子奉公姑閭里咸以慈孝稱處妯娌雍睦甘勞苦迄今三十年足迹不履戶外



高氏庠生程鍾嵩之妻年二十三夫亡子漢甫三月奉姑盡孝夫兄庠生程鍾奎漕運獲舟氏變產公賻姑膳田數十畝氏讓與夫弟庠生程祚永以佐讀書費孫程陳桂補弟子員卒年七十八苦節如一日胡氏劉懷碩之妻年二十五夫亡氏觸柱幾死姑喂水始甦長子扶西甫三歲次子扶萬方數月荼苦自甘教子成立夫弟文友徙蜀氏獨竭力奉姑養葬如禮聞文友死命子扶西走蜀尋孤姪玉中歸撫養完娶自夫亡以至垂老尺布裹髮雖隣戚老人不交一言嘗曰我等天下窮民寧得兒孫成立庶了吾事尙

何心預人間事乎迄今年八十有四

車氏國學生張德俊妻乾隆十年俊故氏年甫二十二歲撫夫弟之子爲嗣孝奉孀姑姑歿哀毀如禮迄今十有五載足不履戶外苦節可嘉

鍾氏歐陽松之妻生二子壯猷仲裕氏年二十六夫亡冰霜自矢事孀姑先意承志塋祭悉盡哀禮並改塋先塋於吉兆孀徐氏年二十六夫震如亡無子欲以身殉鍾謂徐曰我以仲裕爲叔嗣嗣子存立猶叔存也徐吞聲首肯苦節同志仲裕復先二母歿妻黨氏年二十九無子亦矢志苦守鍾復令次孫爲仲裕



後鍾長祿九歲今年七十六  
氏左右其間一門三節兩枝再榮里間  
鍾命壯猷謝曰守一而終殊非異事何  
嘆而止

歐陽氏汪濬川之妻年二十夫亡子鋒  
夫死復思子乳難割且公姑在堂以身  
此身以終夫養親之志撫子之慈苦節  
姑有孝婦養葬以禮子鋒身列宮墻  
多鄉里咸稱焉

饒氏鍾大範之妻夫繼伯父爲嗣嗣少

華容縣志

卷之九

人物下

姑以孝聞年二十八夫亡事姑愈謹姑  
讓與姑女食貧撫孤苦守三十七年邑  
孝者詩章成帙焉

侯氏儒生周克穎之妻歸周半載穎善病氏盡  
奉湯藥晨昏虔禱願以身代穎竟不起氏慟絕復

嚙指血淋漓灑地矢以同穴時年十八今苦節二十  
四年矣穎幼失母撫育於繼母毛氏毛生二子氏事  
毛誠敬無間紡績以供甘旨織素成匹卽染裁縫新  
以衣姑而補舊自服姑病氏侍左右竟月不眠姑  
愛之嘗曰吾媳可謂節孝而



徐氏儒生呂蒼玉之妻年二十夫亡欲以身殉姑泣  
諭曰爾爾叔尙幼爾又死奈老身何乃悲慟強起紡  
績勤勞潔甘旨以奉孀姑姑歿哀號之聲聞者感嘆  
家素貧出紡績所餘令嗣子同兩叔理喪塋周密稱  
禮復出室中器用變值助兩叔貿易妯娌無間言迄  
今三十年戶外罕覩其面女伴以時至者雖終日相  
對未嘗見其歆坐輕笑云

龔氏生員趙承琬之妻年二十夫亡子經國甫二歲  
欲身殉者再緣高堂襁褓苟存視息家固貧拮据茶  
茗奉翁姑饗殮惟謹而私自忍飢每見夫篋遺書剩

筆卽哀號不已姑爲藏匿他所勤子夜課紡燈熒七  
間每以繼父學業泣而相勗一日拔蔬營饌而獲藏  
金于土人謂孝感所致翁藉此籌劃稍得饒裕經國  
年十二卽補太學生以爲上進地迨翁姑相繼沒哀  
塋咸如禮經國孝謹好學爲鄉黨所稱氏含節抱孫  
年七十二矣適修學工巨管鑰遴人合邑公舉經國  
督修勤慎絲毫無漏遂以寒疾歸家物故氏慟絕復  
甦逾月而卒

黎氏儒生劉允聖之妻生子在任甫週歲夫亡矢志  
苦守奉公姑克孝喪塋盡禮居僻山隅綢繆整肅訓



子謹嚴夫兄夫婦早沒其子亦夭其媳傅氏守孤子  
維長氏爲經紀其家傅氏賴以苦節三十餘年見子  
成立而歿夫弟僅遺孤女氏爲嫁後復以其分遺產  
命在任書契付子永爲奩田今氏年七十四守節四  
十七年鄉里賢之

龍氏巴陵庠生龍三台之女幼嫻女訓年十七適黎  
學泗爲妻甫一載而夫亡冰霜自矢事姑如母朝夕  
左右躬紡績以供甘旨越數年撫子黎璜於襁褓中  
姑歿塋祭如儀哀泣三載迄今苦守三十年子璜身  
列膠庠鄉里欽其節美其孝並稱其以母道兼父道  
焉

許氏謝玉書之妻年二十四夫亡無子苦節自守事  
翁姑以孝聞迄今三十一年有如一日家極貧以夫  
弟之子嗣躬紡績佐饗殮寒暑不倦

熊氏李軫翼之妻年二十四夫因奮志攻苦致疾而  
亡子甫六歲氏哭對夫靈截左手小指置棺中以殉  
孝事翁姑存歿無二每至春秋與夫死日之祭陳其  
所作文稿率子哭拜勉其勤學以慰父魂

陳氏儒生楊永洪之妻年二十五夫亡子世鐸方四  
歲世銘方一歲家貧衣食維艱矢志不移上奉祖姑



翁姑誠敬不懈夫弟與已子年相若凡飲食必先去弟而後已子氏常染疾卧床值姑病遂稱愈強起侍姑湯藥祖姑眠食力疾趨奉者月餘茹荼食葷歷盡苦辛年五十三歿子世鐸列諸生

何氏舉人賀旭妻及笄適旭舅姑委以家政內外肅然旭領癸巳武鄉薦榜發父即歿於旅邸凶捷並聞慶弔紛至氏倉卒應變一一盡禮年二十五尙未舉子夫病篤曰氏曰吾數世一綫三代遺骸六旬老母其將安托氏泣曰君慮我他適爾我斷不負君惟守先祀奉老姑以終身耳時無可嗣者後本房有次孫

甫生旬日氏抱立爲嗣取名爲楫勤紡績供甘旨曲盡姑懽姑歿喪葬如禮卜葬祖姑改葬夫墓教嗣子成立完娶迄今年六十

林氏何廷模妻年十九適何生一子方五歲廷模云亡遺有老母劉氏且多病氏奉事孀姑則以婦而盡子職撫育孤子則以母而兼父道仰事俯育百般艱苦年七十而終

范氏張德輝妻孺生范五音女年二十三僅生一女夫亡哭泣慘傷殯葬如禮氏夫兄生員張德潤等筆耕在外其父母欲延之歸以資其衣食氏曰我豈賤



夫志而倚母家爲活耶乃紡績爲業母女二人相  
爲命復泣求族衆擇取夫次兄子心恒爲夫嗣氏撫  
成立現年五十八歲

張氏黎光晨之妻年十八于歸孝謹柔順慈惠端嚴  
嫺姪稱爲賢婦年二十六夫歿欲以身殉妯娌以身  
姪苦勸始少飲食生遺腹子名學高氏茹荼甘苦撫  
教成立得列國學娶婦劉氏未舉子而學高歿劉氏  
矢志不移與姑擇親屬子士緒爲學高嗣劉今年四  
十八張今年七十三

孝婦吳氏本邑生員秦起鯤之媳石邑生員吳自保

華容縣志

卷之九

人物下

二十

之女僅生一子名善事甫三月夫作聖歿氏時年二  
十六矢志奉翁姑翁歿姑李氏雙目俱盲氏勤紡織  
竭力事姑乾隆八年鄰不戒火勢猛迅及氏命子出  
自起扶姑姑以目盲家貧欲與居同燧氏跪勸不起  
姑恐氏亦俱焚因起立氏急負而行火已封門衝火  
而出惟氏髮與姑髮俱焚而已人謂孝之所感若有  
神助焉

李氏謝殷三之妻生一子名再武氏年二十六夫亡  
苦節撫孤年五十三而子亡孫二長方三歲次甫四  
月媳袁氏亦矢志與姑同李敬事翁姑善理家政親



黨貧乏者賴以相濟袁性嚴肅訓子以禮闈範一遵  
李氏李年七十有四歿

劉氏程自沔之妻年二十適沔敬戒無違婦道克盡  
甫數年夫亡無子甘貧守志竭力事姑紡織無間寒  
暑撫嗣子文芹列國學冰操四十餘年歿年七十有  
二  
劉氏陳日泓之妻年二十歸泓二十八泓亡子乘鰲  
甫半歲矢志不移侍姑飲食起居始終無倦課子句  
讀至十歲方使就傅於外得補弟子員猶時申訓飭  
苦節三十餘年所編女訓里黨閭秀咸樂誦之

周氏孟斯麟之妻夫亡子幼矢志不移子文光娶婦  
孔氏光又亡婦亦矢志不移周苦節四十餘年孔苦  
節十餘年斯麟之弟斯珩珩之子文玉合前後五世  
同爨一門雙節家訓可風

徐氏黎士旦妻十八于歸生二子長甫五歲次二歲  
而士旦云亡遺有父母年俱老氏紡績爲業百般艱  
苦上事舅姑得以壽終下撫孤幼俱以成立鄉里稱  
之

林氏胡三吉妻林啓旻之女年十八適胡敬戒無違  
胡固貧翁姑在堂氏佐夫竭力奉膳乃逾歲而翁姑



繼亡又逾歲而夫亦亡氏年始二十也呼天搶地  
至殞命親鄰婉勸勉起治喪立夫姪死  
艱苦爲嗣子完娶年六十八而卒  
董氏儒士白爲先妻年二十夫卒誓死靡他父母欲  
奪其志氏以刀自截其髮乃止

蔡氏王欣沾妻年二十適王生一子甫二歲而夫亡  
矢志守節撫子再文成立現年七十三  
涂氏榮克長妻年十八適榮僅生一子夫亡時氏年  
二十五不數歲而子又亡擇立房子永錫爲嗣苦節  
勤操年七十餘終

陳氏王氏俱李之鳳側室也鳳妻涂氏中年無出納  
陳氏又無出而涂死鳳又納王氏生一女鳳亡兩氏  
俱矢志艱貞操理家政同心撫教涂氏所抱嗣子育  
蘭田園式廟諸孫林立陳現年七十三王亦五十八  
云

王氏洪西義妻年未三十而夫故無子立夫堂兄子  
禹宣爲嗣氏慈惠淑慎家道成立現年六十八  
汪氏王金瑩妻十八于歸生二子俱幼而姑與夫相  
繼而亡遺幼叔四人公多病且連年荒歉氏力操家  
政阡塋姑益陽大羅坪事老撫幼經理咸宜現年



十餘門庭昌熾鄉里稱之

段氏儒士涂善樂之妻年二十二而夫亡遺腹生子  
久傳矢志苦守孝事公姑生養死葬竭力經營現年  
七十

路氏李澤樽妻年十八于歸生子宗富甫二歲而夫  
亡氏時年二十四家貧苦節撫子成立現年六十四  
鄧氏張文鉉妻年二十六夫亡越三月生子國學明  
良氏仰事俯育脩歷艱苦後明良復天妻嚴氏生子  
瑞璉亦矢志栢舟教子義方凜鄧氏之閨訓云  
劉氏劉忠貴妻年二十一夫亡無出矢志靡他螟蛉

華容縣志

卷之九

人物下

三

堂侄以承宗祀雖家貧而紡織無間節孝可風

張氏張組遠妻年十八夫亡子嘉愈年甫七月冰霜  
自矢三十餘年督子勤讀允稱巾幗完人

洪氏程葵妻年二十五夫亡生子龍光甫六月氏矢  
志堅守課子勤讀治家嚴肅閨範足風現年六十  
黃氏馬逢簡妻年二十五夫亡生子世昌氏矢志冰  
霜奉養教子孝節兼至現年七十七歲

謝氏何席儒妻年二十五夫亡矢志苦守家貧紡績  
終身如一日奉親訓子克成夫志現年七十二  
毛氏張宗黃妻年十八歸張越二載生子馭遠甫五



月夫亡栢舟矢志遠列國學

張氏廩貢張士樞女年十七適廩生王師吉年二十  
五夫亡子先栢甫三歲公如教白氏冰霜自矢力成  
夫志與夫兄孝廉師承色養寢膳無違喪  
祭成禮孤苦零丁日成立娶石首國學生鄭  
其寬之女為媳十九歲二歲生子世琰甫  
週歲張氏幸抱孫焉而此兩世孤孀形影  
單鄭氏吞聲飲泣獨立維時一平表姑下撫幼子艱  
苦備嘗今世琰列國學歲六也子也會公舉旌表節  
孝世琰請於祖母張氏張氏一節見婦之不幸也

華容縣志

卷之九

人物下

五

尚忍求名乎弗許君子韙之

陳氏黎文南妻年二十而寡三歲夫歿時  
遺命喘息氏痛絕復甦七日不食得拘孿疾以姑  
老子幼強起是時外無強親伯一助艱難百折獨  
力支持家徒四壁紡績供養姑一歲成禮延師教  
子警以父命稍惰則環抱哀泣以此恩警  
亦感憤得補弟子員氏守節四十年終以拘孿疾  
發遂卒恩需泣母遺像詩有無限出之句  
盖罔極深恩實有刻骨之痛也

劉氏黎次安妻年二十二歲夫病軀殘



喘子顒甫四歲氏內無伯叔外鮮強親矢志苦節紡績養姑孝敬無違姑歿喪祭成禮教子顒身列國學論者謂其母兼父道其他睦族治家恤貧鄉里咸稱善守節五十一年

楊氏巴陵庠生楊植紀之女年十八適蔡秘書踰年夫歿屏食數日欲以身殉者再緣姑老夫有遺腹而止剪髮置棺矢以死守閱兩月生子鼎家貧紡績以爲供養姑年暮抱疾氏朝夕床下衣不解帶口哺湯藥及歿號泣濱死以救得甦常懸夫像供室中飲食必祝值生忌日則禮拜痛哭終身如一日族里欽其

節孝請旌焉氏命鼎謝曰從一而終代夫致養乃分之常何敢上請其不慕名尤人所難者鼎列膠庠氏孀居五十七年而卒

吳氏劉永誠妻年十八歸劉生二子夫亡公姑雙白氏矢志苦節三十餘年上奉高堂下撫孤幼現年六十歲

李氏鄧宏六妻年十八于歸二十夫亡無子以堂姪自省爲嗣黎氏國學生鄧士奇妻年十九適鄧二十一歲夫亡無子以堂姪自貴爲嗣劉氏鄧鼎三妻年十七歲適鄧二十二歲夫亡無子以堂姪自蓋爲嗣



娣姒三人柏舟矢志共養衰姑黎氏守節十八年卒  
李氏守節三十年現年五十有一劉氏守節二十年  
現年四十有四嚴氏鄧鼎五妻年十六適鄧二十三  
歲夫亡無子以堂姪自適爲嗣公姑俱喪獨力操持  
教子治家咸有成法守節二十年現年四十有四  
稱一門四節云

王氏石首人適邑庠生綦瓏生子敬五甫二歲瓏卒  
以節自誓近三十年性剛烈居家嚴肅善心計里人  
稱爲女中丈夫初瓏家寒素薄田數畝氏力撐持漸  
致豐饒現年六十尙未請旌

陳氏本縣人年十八適儒士綦瑜暮年瑜卒遺腹生  
子邦鉞屢遇歲歉茹蘗忍飢辛苦萬狀事翁姑以孝  
稱育邦鉞教之讀書爲娶婦周氏生子山表幸有歲  
矣已而邦鉞復夭婦哺子姑撫孫兩人互倚俛血淚  
未乾也陳守節六十年卒年七十八周亦守節三十  
餘年現年六十矣俱貧困未請旌



壽民

黎國彰

生員  
有傳

何濟臣

黎子述

陳公叔

袁恪占

陳芳林

吳伯達

年皆八十以上康熙年間奉  
恩給入品頂帶獎身

李漢元

徐 炤

國學生曾被乾隆元年  
恩賞建昌學  
雲菴於陽山下檜梓  
榭辛年八十九

華容縣志

卷之九

人物下

三七

白 莘

何宏廸

白之喜

生員  
用丸

白遇蘭

寺山



方伎

李元春字寅恭

善醫

仙

〔晉〕張驚喜字彥悅冀州人司空華之族先是屏陵石門山中有仙人孔昇保學道飛昇永康中驚喜隨父任當陽墓石門之勝南遊居於寶慈觀棄俗學道尋亦仙去弟子壑其衣冠

宋白玉瞻寶慈觀記驚喜晉黃門侍郎孫隱於峯下種薑

栽芋後亦仙去

〔宋〕白玉瞻字如晦瓊山人號海瓊子博洽羣書作文未嘗起草善篆隸學道得仙術寶慶中遊華容石門

華容縣志

卷之九

人物下

三八

山寓寶慈觀與道士孫雪牕遊著有契仙集又書谷仙二大字撰寶慈觀記

〔元〕嚴元元邑人宋末爲文昌宮道士與邑人王姓者學道於張三丰數歲無所獲辭歸三丰餞之大醉嘔唾滿地明晨入揖三丰曰若真棄我耶餽吾唾道在是王有難色元元餽之遂悟三丰之術能運掌心雷或對客亦呼雷行茶元初遊京師祈雨有應賜號元元其書存石首民家明嘉靖中詔取數冊而去

釋

陸法和不知何許人梁承聖初侯景遣其將任約擊



湘東王法和乃詣湘東乞討約召諸蠻弟子八百人  
二日便發湘東遣胡僧祐千餘人同行法和登艦大  
笑曰無量兵馬至赤沙湖與約相對法和乘輕船不  
介胄沿流而下去約軍一里謂將士曰明日當破賊  
遂縱火船而逆風不便法和執白扇麾反風約衆見  
梁軍步於水上於是大潰皆殺水約逃竄不知所之  
法和曰明日午時當得約至期人問之法和曰吾前  
於洲水涸時建一刹語檀越此是賊標今何不向標  
下求賊衆如其言果於水中見約抱刹仰頭纔出鼻  
擒之先是江陵多神祠祈禱輒應自法和軍出無驗

者人以爲神皆從行云後入齊爲太尉禮佛坐繩床  
無疾而終殮入棺尋失其尸入北史

梁智者大士諱智顓字德安姓陳氏先潁川人隨晉

東徙止荊州之華容指月錄又云華容陳氏子今公  
安又謂其鄉有聖母墓而監利亦載其始末未知孰  
是

圓覺寺僧大鏡一夕夢殿左忽施金龍帳帳中二神  
冕服端坐曉起適黎文禧劉忠宣二公至假館焉僮  
窺之貌甚類夢中神二公讀書每至丙夜僧亦隅坐  
供茗粥不倦亦屢有所規勸及二公文調僧設酒



之日努力富貴幸勿忘此三公次第顯招僧遊且  
始以金僧大怒不贊曰吾豈望報耶前官戲耳終身  
不出寺門